



DIARIO

E MATUTINO DI ARUBA

Abonado pa luna Afl. 19,00*Pa cheemplar 80 cent* aña 12/No. 34501

DIAMARS 7 JANUARI 1992

ESPECIALISTANAN

A BAHÁ PISA

ARIBA LEY

ASEGURO MEDICO

Durante presentacionan enfrente

Parlamento



Riba e portret aki por mira momento cu Sr. Glenbert Croes a ricibi for di man di Director di DIARIO, Sr. Jossy Mansur, e plaquette, como e figura politico joven di aña 1991.

SURPLUS DI PRESUPUESTO A YEGA 28 MILLON FLORIN

ORANJESTAD (AAN): Ayer tardi prome cu Ministro Hirsch Ballin a sali pa Curaçao, tabata tin un conferencia di prensa pa asina informacionnan por ser duna encunto su bishita cortico na Aruba.

Gobierno a papia encunto e beleidsoverleg di e Plan Nacional di Desaroyo di 1991-1995. Na Mei aña pasa Gobierno a introduci e plan aki pa loke ta trata su infraestructura en total. Lo busca e maneranan pa haya financiamiento propio, of di exterior pa esakinan. Ta conoci cu Comunidad Europeo a indica cu e lo yuda cu Aeropuerto.

A papia ayera tambe cu Ministro Hirsch Ballin encunto diferente proyectonan, manera Aeropuerto, WEB, enseñanza, vivienda, y otronan.

Aruba a cumpli cu e criterio cu a ser introduci door di Hulanda pa loke ta trata e ayudo nobo, cu Aruba mes lo mester percura na un surplus di 20 millon riba presupuesto.

Ministro Presidente Nelson Oduber a indica na Ministro Hirsch Ballin cu nan tin e informacion definitivo cu e surplus aki ta yega te na 28 millon. Nan ta spera cu e aña aki e surplus lo bira na 21 pa 22 millon.

A papia riba e problema di garantianan di e diferente proyectonan. Esakinan ta bini door di un cantidad di hotelnan cu no a termina cu construccion y cu ta hinca den problemanan financiero. Gobierno ta spera dentro di un luna un rapport di Co-

mision-Biesheuvel, cual a ser forma specialmente pa yuda cu solucion pa e problemanan di garantia, door di cual Gobierno ta menaza di cay den problemanan serio.

Ministro Presidente a indica cu tur e problemanan aki ta worde solucionado poco-poco. Esaki ta conta pa Plantation Bay, Ramada Renaissance, y Beta Hotel. E problemanan cu Golden Tulip si no a worde solucionado ainda.

Ministro Hirsch Ballin a expresa su satisfaccion encunto e maneho financiero di Gobierno. Esaki el a musta riba e hecho cu e surplus di presupuesto den e ultimo añanan a yega 28 millon Florin, cu ta 8 millon mas cu Gobierno Hulandes a pone como condicion, ora cu algun aña pasa nan a duna ayudo di presupuesto na Aruba.

Ministro Hirsch Ballin a bisa cu e proposicion pa cambio di statuto, caminda e fecha di independencia di Aruba ta worde gescrap y ta keda mantene Status Aparte, ta sinta actualmente na Raad van State y lo ser hiba pronto na Staten-Generaal.

Hirsch Ballin a papia di su aprecio pa e plan di cinco aña di Gobierno, di cual ya caba "hopi y bon trabao" a ser haci. E Ministro a priminti di lo mira na cual manera procedimentonan nobo lo por ser treci pa acelera e asina yama "programmahulp".

Pa loke ta trata nombramento di un Gobernador nobo, Hirsch Ballin a declara cu e ta spera cu riba esaki pronto lo bini nombramento.

AVIONETA STRAÑO RIBA ARUBA

ORANJESTAD (AAN): Ayeranochi patruyanan di Polis na Aruba tabata den un alerta, ora cu un avioneta a ser detecta bulando hopi abao riba e isla aki.

E prome biaha cu nan a mire tabata ora e tabata bula na costa este di Aruba, pasando riba e ceronan y moviendo den direccion di Savaneta.

Diferente patruxa di polis

a sigui e pasonan di e avion di acerca, y a move pa diferente sitio strategico riba e isla pa vigila esaki. A detecta un hende ta usando un spotlight tambe, pero esakinan a resulta di ta cazador di coneu.

E avioneta mes a ser perdi di bista despues, pero polisnan a keda alerta te den oranan di awe madrugada.